

ያዩቆቢ ፃፊዳ ኪታ ጌሉዋ

ሃ ኪታ ፃፊዳ ያዩቆቢ ጎዳ ዩሱሳ ኢሻፔ ኣቲን ታማኔ ላዑ ዩሱሳ ካሊያዋንቱፔ ኢቱዋ ጊደና። ኢካ ዩሩሳላሚን ደዒያ ኣማኒያ ኣሳ ካሌሊያ ጨማ (ጋል 2:9)። ሃ ኪታይ ፃፊቲዳዌ ኢቲ ዋሳ ጎሳቲው ጊደናን ሮሜ ካዉቲላ ጊደን ላሌቲዳ ኣዩሁዳ ኣማኒያዋንቱ ኡባቱዋሳ ጊዲዳ፣ ኩናካ ሃቼ ሃቼ ደዑዋ ካሌሊያ ቆፋቱዋ ኦይቄዳ። ፃፊቲዳዌካ «ኣላሚያ ኡባን ላሌቲዳ ያሳ ኣሳሳ»። ሃ ማፃፋ ፃፊዳዌ ኣጼዳ ኤራቲላ ኮኒ ኦሱዋን ፔሺያ ሂላኔ ኣማኒያ ኣሳ ኤሻኔ ሃኖታ ታማሪሲያ ኦጊያ ካሌሱዋ ኢሚያ ዩዋቱዋ ሚሲሊያዳን ቆንጨያን ቤሴ።

ሂዩሳቲላባ፣ ዱራቲላባ፣ ፓጨያባ፣ ሎጾ ኤሻባ፣ ቃናቲያባ፣ ኣማኑዋባኔ ሎጾ ኦሱዋባ፣ ኢንፃርሳ ማዲዋባኔ ቆሁዋባ፣ ኣጼዳ ኤራቲላባ፣ ኢቲ ኢቱዋና ዋላቄቲያባ፣ ኦቶሩዋባኔ ኣሺኬቲላባ፣ ሃራ ኣሳ ቦላ ፒርዲያዋ፣ ጨቁዋባ ዋይ ኣዩዋባ፣ ጌንጫባኔ ዋሳባ፣ ኣማኒያ ኣሳይ ደዓናው ቤሲያ ኦጊያ ኡባ ፃፊዳ።

ኪታይካ ኪሪሰቲና ደዑዋን ኣማኑ ኦሱዋን ፔሻና ሃኖታባ ቆንጨሲዳ ቤሴ።

ሺምፓቱዋ ኡባቱዋሲ ኢሜቲዳ ቃንላ ቆፋቱዋ

- ጌሉዋ (1:1)
- ኣማኑዋኔ ኣጼዳ ኤራቲላ (1:2-8)
- ሂዩሳቲላባኔ ዱራቲላ (1:9-11)
- ፓጨያ (1:12-18)
- ያሳ ቃላ ሲሱሳኔ ኦሱዋ ቦላ ፔሹሳ (1:19-27)
- ሃኔና ኦጊያን ኢቱ ሃራሲ ማዴና ማላ ኢሜቲዳ ኦዱዋ (2:1-13)
- ኣማኑዋኔ ኦሱዋ (2:14-26)
- ኣማኒያ ኣሳኔ ኢንፃርሳፔ ኬሲያ ሃሳያ (3:1-18)
- ኣማኒያ ኣሳኔ ሃ ኣላሚያ (4:1-5:6)
- ዲማ ዲማ ዩዉዋሲ ኢሜቲዳ ማቁዋ (5:7-20)

1 ታኒ ያዩቆቢ ያሳ ኣይሊኔ ጎዳ ዩሱሲ ኪሪሰቶሳ ኣይሊ፣ ቢታ

ኡባን ላሌቲዳ ታማኔ ላዑ ዜሬላቶ * ሳርታ ኪታይ።

ዳንዳያ፣ አማኑቀ፣ አዴዳ ኤራቲላ

2-3 ታናዳን ያሳ ካሊያዋንቶ፣ ሂንቲ አማኑ ፓጩቲያዊ ሂንቲንቶ ዳንዳያ አማናዋ ኤሪዳ፣ ዲማ ዲማ ፓጩ ሂንቲና ጋኪያ ዎዴ፣ ሄዎ ኩሜንላ ናሽቻዳን ፓይዲቲ። 4 ሂንቲ ዳንዳያይ አይኔ ባሊ ባይናን ሂንቲና ማኔዳዋንታኔ ፓጩ ባዩናዋንታ ኦሴዳ፣ ባሬ ኦሱዋ ፖሎ። 5 ሺን ሂንቲፔ ኦኒኔ ባሬው አዴዳ ኤራቲላይ ቆጥፔ፣ ካዴናኒ ኡባው ከካቲላን አሚያ ያሳ ዎሶ። ኢ አው አማና። 6 ሺን ኢ አያኒኔ ሲዴናን አማኑቀን ያሳ ዎሶ። አዩሲ ጎፔ፣ ሲዲያ ኡራይ ጫርኩ ሱጊና ቃዲያ አባ ቤታ ማላ። 7-8 አዩሲ ጎፔ፣ ላዑ ቆፋይ ዳዲያ ኡራይ፣ ባሬ ኦጊያ ኡባን ባሬ ቆፋ ቃቸናዌ፣ ሄ ኡራይ ጎዳፔ አዩኔ ዳማናው ቆፖ።

ሂዬሳ አሳኔ ዲሬ አሳ ናሽቻ

9 ሺን ሂዬሳ አሻይ ያሳይ አ ቶቁ ኦሴዳ ዎዴ ናሽቶ። 10 ቃሲ ዲሬ አሻይካ ያሳይ አ ካዉሺሴዳ ዎዴ ናሽቶ። አዩሲ ጎፔ፣ ዲሬ ቢታኒ ማታ ጊዶን ዲጩያ ጩሻዳን ቆያና። 11 አዩሲ ጎፔ፣ አዎይ ባሬ ሴላና ኬሲዳ፣ ማታ ሜሊሲና፣ ጩሻይ ቆዬ፤ ቃሲ አ ማላ ሎፖቲላይካ ቆዬ፤ ሄዋዳንካ ቃሲ ዲሬ ቢታኒ ባሬዋ ኦሴዳ ቆያና።

አሳ ቦላ ጋኪያ ፓጩያ

12 ዋዩያን ጌንጩያ ኡራይ አንጃቲዳዋ፤ አዩሲ ጎፔ፣ ሄ ዋዩያ ያኔዳዋፔ ጉዩያን፣ ያሳይ ባሬና ሰቂያዋንቶ አማና ጌዳ ዳዑዋ አከሊሊያ † ኢ አካና። 13 ኦኒኔ ፓጩቲዳ ዎዴ፣ «ታና ያሳይ ፓጩ» ጎፖ። አዩሲ ጎፔ፣ ያሳይ ኢታን ፓጩታናው ዳንዳዬና፤ ቃሲ ኢ ባሬ ሁጵው ኦናኔ ፓጩና። 14 ሺን አሳይ ሁጵያን ሁጵያን ባሬ ሁጵ ኢታ አሙዋን ጎሽቲያ ዎዴኔ ጩሜቲያ ዎዴ ፓጩቲ። 15 ሄዋፔ ጉዩያን፣ አሙ ሻሃሪዳ፣ ናጋራ ዩሌ፤ ቃሲ ናጋራይ ዲጩዳ፣ ሃይቁዋ ዩሌ።

16 ታናዳን ያሳ ካሊያዋንቶ፣ ጩሜቶፕቲ። 17 ሎፖ ኢሙዋ ኡባዩኔ ኩሜንላ ዎይታ ኡባይ ሳሉዋፔ ዩ። ሳሉዋ ፖዑዋ ሜዴዳ አዉዋፔ ዩ፤ ያሳይ ባሬ ሁጵው ዲማቲናኔ ዎይ ባሬ ኩዋ ላማና።

* **1:1** ቢታ ኡባን ላሌቲዳ ታማኔ ላዑ ዜሬላቶ፣ ያዩቆቢ ጊዴ ዳዲያ ቆፋይ፣ ጎዳ ካሊያ አማኒያዋንታ ጊዲዳ ታማኔ ላዑ ኢሰራዒሊያ ዜሬላቲዋዳን ባሬንቲ ዋርኩቲዋን ቢታ ኡባ ላሊቲ ጋኪዳዋንታ ጉሳ። **1:10** ኢሳ 40:6-7 † **1:12** ዳዑዋ አከሊሊያ፣ ቦንቲቲዳ ዳዑዋ ጉሳ።

18 ኮኒ ኢ ማዲዳ ማዲታቱዋ ጊደን ዶቃሳ አካናዳን፣ ኮና ባሬ ሼኒያን ቱሙ ቃላን ዬሌዳ።

ሲሴዳዋ ኦሱዋን ፔሺያዋ

19 ታናዳን ያሳ ካሊያዋንቶ፣ ሃዋ ሃሳዪቴ፤ አሳይ ኡባይ ሲሳናው ኤሌሎ፤ ሺን ሃሳያናውኔ ሃንቄታናው ኤሌሎ። 20 አዪሲ ጎፔ፣ አሳ ሃንቁ ያሳይ ኮዪያ ዲሎቴላ አሄና። 21 ሄዋ ዲራው፣ ቱና ሃናታ ኡባኔ ኢታቴላ ኡባ ሂንቴፔ ጳዪሲዳ፣ ያሳይ ሂንቴ ዋዛናን ቶኩዳ ሂንቴ ሽምጥዋ አሻናው ዳንዳዪያ ቃላ አሺኬቴላን አኪቴ።

22 ሺን ያሳ ቃላ ኦሱዋን ፔሺቴፔ አቲን፣ ሲሳ ዓላላን ሂንቴ ሁጲያ ጨዋፒቴ። 23 አዪሲ ጎፔ፣ ቃላ ሲሲዳ ኦሌና ኡራይ ዳዎፔ፣ ኢ ባሬ ማላ ማሰቶቲያ ያሊያ ኡራ ማላ። 24 ኢ ባሬና ያሊዳ ቤ፤ ኤሌካ ኢ አይ ማሌንቶኔ ዶጊ አጌ። 25 ሺን ኦኒኔ አዪሌቴላፔ ኬሲያ ባሊ ባዪና ሂጊያ ያሊዳ፣ አኒ አቂያዌ ቃሲ አ ናጊያዌ፣ ሲሴዳዋካ ዶጌናዌ፣ ሄ ኡራይ ባሬ ኦሊያ ኦሱዋን አንጃታና።

26 ባሬ ኢንፃርሳ ናጌናን ባሬና ጨሚዳ፣ ባሬው ያሳ ጎዪኒያዋ ማላቲያ ኡራይ ዳዎፔ፣ አ ጎይናይ ማላ። 27 ያሳ አወዋ ሲንላን ፖኩ ባዪና ጌሻ ጎይናይ ሃዋ፤ ሄዌ ሃቃዌ ጎፔ፣ አታ አዉ ባዪና ናናቱዌ ዋዬቲያ አምዔቱዋ ማዳናዌኔ ሳዓ ናጋራ ቂታፔ ባሬ ሁጲያ ናጋናዋ።

2

ሂዬሳ ካቆናው ቤሴና

1 ታናዳን ያሳ ካሊያዋንቶ፣ ሂንቴ ኑ ቦንቾ ጎዳ ዬሱሲ ኪሪሰቶሳ አማኒ ዳዒዳ፣ ዳሙዋ ያሊዳ፣ አሳ ቦንቾፒቴ። 2 አዪሲ ጎፔ፣ ዋርቃ ሚጊዴዋ ዋሊዳ፣ ሎዎ ማዩዋ ማዬዳ ኢቲ አሳይ ሂንቴ ሺቁዋ ዮፔ፣ ቃሲ ጨርቃ ማዩዋ ማዬዳ ሂዬሳ አሲካ ዮፔ፣ 3 ሎዎ ማዩዋ ማዬዳ ቢታኒያ ሂንቴ አሊ ቦንቾዳ አ፣ «ኔኒ ሃዋን ኡባፔ ሎዒያ ኦይዲያን ኡታ» ጊዳ ቃሲ ሂዬሳ ቢታኒያ፣ «ኔኒ ሂኒና ኤቃሻ፤ ዋይ ሃዋን ታ ጌዲያ ማታን ሳዓን ኡታ» ጎፔ፣ 4 ያቲና ሂንቴ ሂንቴ ጊደን ሻኮቴላ ማዲያዋንታኔ ኢታ ቆፋና ዳዒያ ዳናቱዋ ጊዲኪቴዬ?

5 ታናዳን ያሳ ካሊያዋንቶ፣ ሲሲቴ፤ ያሳይ ሃ ሳዓን ዳዒያ ሂዬሳ አሳይ አማኑዋን ዱሬታናውኔ ባሬና ስቂያዋንቶ አማና ጌዳ ሳሉዋ ካዉቴላ ላታናው ዶሪቤኔዬ? 6 ሺን ሂንቴ ሂዬሳቱዋ ቶቼዲታ። ዱሬቱ ሂንቴና ቱጋዪያዋንታ ጊዲኪኖዬ? አንቱንቱ

ሂንቴና ዳናን ሞቲያዋንታ ገዲኪኖዬ? 7 ሂንቴው አሜቴዳ ሎዎ ሱንሳ ቦሪያዋንቱ ኡንቱንታ ገዲኪኖዬ?

8 ሺን ያሳ ማፃፋን፡ «ኔ ሾሩዋ ኔ ሁጲያዳን ሲቃ» ጌቴቲዳ ፃፊቴዳ ካቲያ ሂጊያ * ሂንቴ ፖሎፔ፡ ሎዎባ ኦሲታ። 9 ሺን ሂንቴ አሳ ዳሙዋ ዌሊዳ ቦንቸፔ፡ ናጋራ ኦሲታ፤ ቃሲ ሂጊ ሂንቴ ቦላ፡ ሂጊያ ሜንጼዳዋንቱዳን ፐርዳና። 10 አዪሲ ጎፔ፡ ኦኒኔ ሂጊያ ኡባ ናገዴ፡ ኢቲኖ ሜንጼያዋ ገደፔ፡ ሄ ኡራይ ሂጊያ ኡባ ሜንጼ። 11 አዪሲ ጎፔ፡ «ዎሹዋፓ» ጌዳዌ ቃሲ «ዎጶፓ» ጌዳ፤ ሺን ኔጊ ዎሹማና ጳዮፔካ፡ ዎጶዳዋ ገደፔ፡ ሂጊያ ሜንጻዳ። 12 አሳ አይሌቴላፔ ኬሲያ ሂጊያን፡ ፐርዳ አካና አሳቱዋዳን ሃሳዪቴኔ ኡንቱንቱዋዳን ኦሲቴ። 13 አዪሲ ጎፔ፡ አሳ ማሪቤና ኡራ ያሳይ ማሪናን ፐርዳና፤ ማሮቴላይ ፐርዳ ያኔ።

አማኑዋኔ ኦሱዋ

14 ታናዳን ያሳ ካሊያዋንቶ፡ ኢቲ ኡራይ ባሬው አማኑ ዳዔ ጎፔ፡ ቃሲ አ አማኑዋ አ ኦሱ ኤሪሳና ጳዮፔ፡ አ አይ ጎዓኔ? አ አማኑ አ አሻናው ዳንዳዪ? 15 ኢቲ ኢሻይ፡ ዎይ ኢቲ ሚቻታ ካሎቶፔ፡ ቃሲ ኡንቱንቶ ኡባ ጋላሲ ሚያባይ ጳዮፔ፡ 16 ሂንቴፔ ኢቲ ኡራይ ኡንቱንታ፡ «ሳሮ ቢቴ። ታማ ሆዒቴ። ካሊዳ ሚቴ» ገዴ፡ ኡንቱንቶ ኮሺያዋ አማና ጳዮፔ፡ ኡንቱንታ አይ ጎዓኔ? 17 ሄዋ ዲራው፡ አማኑ ኦሱ ባይናን ባሬካ ዴዎፔ ሃይቄዳዎ።

18 ሺን ኢቲ ኡራይ፡ «ኔው አማኑ ዳዔ፤ ቃሲ ታው ኦሱ ዳዔ። ኔጊ ኔ አማኑዋ ኔ ኦሱዋፔ ሻካዴ ታና ቤሳ፤ ታኒካ ታ አማኑዋ ታ ኦሱዋን ኔና ቤሳና» ጋና። 19 ኔጊ ኢቲ ያሳይ ዳዔያዋ አማናሳ፤ ሄዎ ሎዓ። ፃላሂቱካ ቃሲ አማኒኖ፤ ያሻን ኮኮሪና። 20 ኔጊ ኤያይ! አማኑ ኦሱዋፔ ሻኬቲዳ ጎዔናዋ ተ ኤራናው ኮያይ? 21 ኑ አቡ አብራሃም ባሬ ናዓ ዪሳቃ ያርሺያ ሳዓ ቦላ ዎሌዳ ዎዴ፡ ባሬ ኦሱዋን ያሊቤኔ? 22 አ አማኑኔ አ ኦሱ ኢቲፔ ኦሌዳዋኔ አ አማኑ አ ኦሱዋን ፖሌቴዳዋ ቤዒኪ? 23 ያሳ ማፃፋይ «አብራሃም ያሳ አማኑዳ። ያሳይካ ሄዋ አው ያሎቴላን ፓይዴዳ» ጌዳዌ ፖሌቴዳ፤ ቃሲ ያሳ ዳቦ ጌቴቲዳ ኢ ያሴቴዳ። 24 አሳይ አማና ፃላላና ገዴናን፡ ኦሱዋን ያሊያዋ ሂንቴ ቤዒታ።

* 2:8 ካቲያ ሂጊያ፡ ኡባፔ አፉዋን ጎዒያ ሂጊያ፤ ሃዋ ቢሌላይ፡ ካቲያፔ አሜቴዳዋ ጉሳ። ካቲ ኦኔ ጎፔ ያሳፔ አሜቴዳ ሂጊያ። 2:8 ዎግ 19:18 2:11 ኬሲ 20:13፣ 14፤ ዛር 5:17፣ 18 † 2:20 ጎዔናዋ፡ ሃዋ ጉሳይ ሃይቄዳዋ ጉሳ። 2:21 ዶም 22:1-14 2:23 ዶም 15:6፤ 2ኦድ 20:7፤ ኢሳ 41:8

25 ሄዋዳንካ ቃሲ ጨራታ ራዓባ ኪቲቶዋንታ ሞካዴ ሃራ ኦጊናና ኡንቲንታ ሞዩዜዳ ዎዴ፣ ባሬ ኦሱዋን ያላቤይኬ?

26 አዪሲ ጎፔ፣ ሹምፑ ሻኬቲዳ ቦላይ ሃዩቄዳዎ ጊዲያዎዳን፣ ሄዋዳንካ ቃሲ ኦሱ ሻኬቲዳ አማኑ ሃይቄዳዎ።

3

አንጻርሳ ናጊያዎ

1 ታናዳን ያሳ ካሊያዋንቶ፣ ኑኒ ሃራቱዋፔ አዲያ ፒርዳ አካናዋ ሂንቲ ኤሪያ ዲራው፣ ሂንቲፔ ጮራቱ ታማሪሲያዋንታ ጊደፒቲ።
2 ኑኒ ኡባዩካ ዳሮባን ባሌቶ፤ ኢቲ ኡራይ ባሬ ሃሳያን ሙሊካ ባላና ቆዮፔ፣ ኢ ባሬና ናጋናው ዳንዳዪያ ባሊ ባዩና አሳ። 3 ፓራቱ ኑሲ አዛዜታና ማላ፣ ቢፃላ ባርሲዴ፣ ኑኒ ኮዩያሳ ኡባ አንቲንታ አፊቶ። 4 ቤዒቲ፣ ማርካቤቲካ ቃሲ ሄዋ ከና ዎልቃማ ጊዲዴ፣ ጎቱዋ ጫርኩዋን ላጌቶፔካ፣ ኡንቲንታ ላጊያዌ ባሬዎ ኮዩያሳ ዛሪዴ ላጊያ ዌሪ ጉላ ሚላን ላጌቲዴ ቢኖ። 5 ሄዋዳን አንጻርሳይ ቦላ ጊደን ጉላ አሳቲላ ጊደፔካ፣ ዳሮ ዎልቃማባን ጨቄቲ።

ጉላ ታማይ ዋኒዴ ዎልቃማ ዎራ ጉዲ! አኬኪቲ።
6 አንጻርሳይካ ታማ ማላ። ኢ ኑ አሳቲላ ጊደን ኢታባ ኡባ ኦላና ዳንዳዬ፤ አሳቲላ ኡባ ቲኒሴ። ቃሲ ኑ ዴቡዋ ዎላካ ታማን ጉዴ፤ ጋናሚያ ታማን ኢ ጉዴታናዎ። 7 አዪሲ ጎፔ፣ ደዓቱዋ፣ ካፋቱዋ ዛሪያ፣ ቲራን ጎሹቲያ ሾሻቱ ዛሪያኔ አባን ዴዒያ ሜዴታቱዋ ዛሪያ ኡባ አሳይ አዲሴዳ፤ ቃሲ ኡንቲንቲካ አዴዲኖ። 8 ሺን ኦኒኔ አንጻርሳ አዲሳናው ዳንዳዪቤና፤ አንጻርሳይ ዎዲያ ማርዚ ኩሜዳ ጮቡ ጌና ኢታ ሜዴታ። 9 ኑኒ አንጻርሳን ኑ ጎዳኔ አጠዋ ጋላቲቶ፤ ቃሲ አኒካ ያሳ ማላቲዴ ሜዴቲዳ አሳ ሹቄቶ። 10 ኢቲ ደናፔ ጋላታይኔ ሹቃይ ኬሴ። ታናዳን ያሳ ካሊያዋንቶ፣ ሄዋ ሄዋዳን ሃናናው ቤሴና። 11 ፑልቱ ኢቲ ኦላፔ ማልዒያ ሃላኔ ጫሚያ ሃላ ፑልታናው ዳንዳዪ? 12 ታናዳን ያሳ ካሊያዋንቶ፣ ባላሲያ ጊያ ሚላይ ዎጋራ አዪፋናው ዳንዳዪ? ዎይ ዎዩኒያ ቱራይ ባላሲያ ጊያ ሚላ አዪፋናው ዳንዳዪ? ማፂኔ ማፂኔ ጊያ ሃላፔካ ማልያ ሃላይ ኬሳና ዳንዳዪና።

ሳሉዋ አዴዳ ኤራኔ ሳዓ አዴዳ ኤራ

13 ሂንቲ ጊደን አዴዳ ኤራንቻዪኔ አኬካንቻይ ኦኔ? ባሬ ሎዎ ዴቡዋን ኦሴቲዳ ባሬ ኦሱዋ አዴዳ ኤራቲላፔ ዪያ አሺኬቲላን ቤሶ። 14 ሺን ሂንቲ ዎዛናን ጫሚያ ቃናቲኔ ዩርጊ ዴዎፕ። ቃሲ

ቱማቴላ ቦላካ ዋርዶቶፒቴኔ ኦቶሬቶፒቴ። 15 ሄዋ ማላ አዲዳ ኤራቴላይ ሳሎፑፕ ዋዲያዋ ጊዳና፤ ሺን ሄዋ ሳዓባ፣ አሳዋ፣ ፃላሃቴዋዋ። 16 አዲሲ ሳፕ፣ ቃናቴኔ ዪርጊ ዳዒያሳን ዋላሳዪኔ ኢታ ኦሶ ኡባይ ዳዒ። 17 ሺን ቦላፕ ዪያ አዲዳ ኤራቴላይ ኡባፕ ካሴ ጌሻ። ቃሲ ሳርቴላ ደሲያዋ፣ አሺኬኔ ኤኖ ጊያዋ፤ ቃሲ ማርቴላይኔ ሎዎ አይፊ ኩሜዳዋ። ሲዲኔ ሎዎ ማላቴያ ኢታቴላይ ባዲናዋ። 18 ዲሎቴላ አይፊ ሳርቴላ ኦሲያዋንቱ ሳርቴላን ዜሬዳ ዜሬላፕ ቤቴዳ።

4

ሃ አላሚያ ኢታቴላ ደሴናን አጋናዋ

1 አላይኔ ዋላሳይ ሂንቴ ጊዳዋ ሃቃፕ ዪ? ኡንቴንቱ ዬዳሳይ ሂንቴ ቦላ ጊዳን ኦሌቴያ ሂንቴ ናሺታናው ዋልቃማ አሙዋ አሞቴያዋፕ ጊዳኔ? 2 ሂንቴ አሞቴታ፤ ሺን ዳሚኪታ፤ ዋዲታ። ሎይሊ ኮዪታ፤ ሺን ዳማናው ዳንዳዪኪታ፤ ዋላቁቴታኔ ኦሌቴታ። ሺን ያሳ ዋሴና ዲራው፣ ሂንቴ ኮዪያዋ ዳሚኪታ። 3 ያሳ ዋሴታ፣ ሺን ዳሚኪታ፤ ጋሱካ ባላ አጊያን ዋሴታ። ሄዋ ሂንቴና ናሺቲያዋን ፔሻናው ኮዪያ ዲራሳ። 4 ሲሚ ዋሹሚያዋንቶ፣ ሃ አላሚያና ዳቦቴያዌ ያሳው ሞርኬ ጊዲያዋ ኤሪኪቴ? አዲሲ ሳፕ፣ ሃ አላሚያና ዳቦቴናው ኮዪያዌ ኦኒኔ ያሳና ሞርኬቴ። 5 ዋይ ያሳ ማፃፋይ፣ «ያሳይ ኑናን ዋሴዳ አያናይ ዋልቃማ አሙዋ ኑሲ አሞቴ» * ጊያዋ ሂንቴንቶ ጮ ጊያዋ ማላቴ? 6 ሺን ያሳይ አዶ ኬካቴላ አሊዳ አሜ። ሄዋ ዲራው፣ ያሳ ማፃፋይ፣ «ያሳይ ኦቶሬቴያዋንታ ኢዲ፤ ሺን ባሬና ካዉሺያዋንቶ አዶ ኬካቴላ አሜ» ያጌ።

7 ሲሚ፣ ሂንቴ ያሳው ሞዴቴቴ። ያቴዳ ፃላሂያና ኤቁቴቴ፤ ኢ ሂንቴፕ ባቃታና። 8 ያሳኮ ሺቁቴ፤ ኢካ ሂንቴኮ ሺቃና። ሂንቴና ናጋራንቻቶ፣ ሂንቴ ኩሺያ ሜጩቴቴ። ላዑ ቆፋይ ዳዒያዋንቶ፣ ሂንቴ ዋዛና ጌሺቴ። 9 ቱጋቴቴ፤ ካዮቴቴኔ ዬኪቴ። ሂንቴ ሚቻ ዬኮ ላሚቴ፤ ሂንቴ ናሺቻካ ካዮ ላሚቴ። 10 ሳዳ ሲንላን ሂንቴ ሁሲያ ቶቲቴ፤ ቃሲ ኢ ሂንቴና ዶቁ ዶቁ ኦላና።

አሳ ቦላ ፒርዳናን አጋናዋ

* 4:5 «ያሳይ ኑናን ዋሴዳ አያናይ ዋልቃማ አሙዋ አሞቴ»፣ ያሳይ ኑናን ባሬ አያና ዋሴዳዌ፣ ኑሲ ሎዎ ቆፋ አሞቴያዋና። 4:6 ሎም 3:34

11 ታናዳን ያሳ ካሊያዋንቶ፥ ኢቱ ኢቱዋ ዘገርገር። ባሬ እሻ ዘገሪያዊኔ ኣ ቦላ ፐርዲያዊ ሂጊያ ዘገሪሬኔ ሂጊያ ቦላ ፐርዲያ። ኔኒ ሂጊያ ቦላ ፐርዲያ። ሂጊያ ቦላ ፐርዲያዋ ገዳሳፕ ኣቲን፥ ሂጊው ኣዘዘቲያዋ ገዳካ። 12 ሂጊያ ኢሚያዊኔ ፐርዲያዊ ያሳ ፃላላ፤ ኢ ኣሻናዉኔ ጳዩሳናው ዳንዳዬ፤ ሺን ኔ ሸሩዋ ቦላ ፐርዲያዊ ኔኒ ኦኔ?

ጨቁቴናዳን ኢሜቴዳ ዘሪያ

13 ሂንቴኖ፥ «ኦኒ ሃቼ ዋይ ዋንቲ ሄ ካታማ ባና፤ ሄዋን ላይላ ኡታና፤ ዘለዓናኔ ቃሲ ሚሻ ዋዲሳና» ገያዋንቶ፥ ቤዒቴ። 14 ዋንቲ ሂንቴ ዴዑ ኣያ ሃናኔንቶኔ ኤሪኪታ፤ ጉላ ዋዴው ሂንቴ ቤቴዴ፥ ጉዬፕ ጳዩያ ፔኑዋ ማላ። 15 ሄዋ ኣገዴ፥ «ጎዳይ ጎፔ፥ ኦኒ ዴዓና፤ ሃዋ ዋይ ሄዋ ኦላና» ጋናው ቤሴ። 16 ሺን ሂንቴ ሃዒ ሂንቴንቱ ዶቃቴላን ጨቁቴታ፤ ሄዋ ማላ ጨቁ ኡባይ ኢታ። 17 ሄዋ ዲራው፥ ሎዖባ ኦላናው ኤሪዴ ኦሴና ኡራው ሄዋ ናጋራ።

5

ዲሬ ኣሳሲ ኢሜቴዳ ሚኖ ዘሪያ

1 ሃዒካ ሂንቴኖ ዲሬ ኣሳቶ፥ ሂንቴ ቦላ ዪያ ቱጋው «ኣዬ! ኣዬ!» ያገዴ ዬኪቴኔ ዘላለቴ። 2 ሂንቴ ዲሬቴላይ ባይዲጌዳ፤ ቃሲ ሂንቴ ኣፊላካ ቢልዓይ ሚዲጌዳ። 3 ሂንቴ ዋርቃይኔ ሂንቴ ቢራይ ሺዒ ዲጌዳ። ቃሲ ሄ ሺዓይ ሂንቴ ቦላ ማርካታና፤ ሂንቴ ቦላካ ታማዳን ማና። ሂንቴ ሂንቴ ሚሻ ሲንላው ዳጋይ ዴዒታ። 4 ኣኬኪቴ፤ ሂንቴ ጋዴን ካላ ቆይጨዳ ኣሳቶ ጨገቤና ኪራ ሚሻይ ዋሴ፤ ኡንቴንቱ ዋሱ ዋልቃማ ጎዳ ሃዩላን ሲሴቴዳ። 5 ሂንቴው ኢንጄቴና፥ ሳዓን ኢሻሊዴ ዴዒዲታ፤ ሹካ ጋላሳው ዲኪያዋዳን፥ ሂንቴ ቦላ ዲኬዲታ። 6 ያሎ ኣሳ ቦላ ፐርዴዲታ፤ ቃሲ ኣ ዋዴዲታ፤ ኢ ሂንቴናና ኤቁቴና።

ጎዳ ላዒንሶ ዩሳ ዳንዳያን ናገያዋ

7 ሄዋ ዲራው፥ ታናዳን ያሳ ካሊያዋንቶ፥ ጎዳይ ያና ጋካናው ጌንጨቴ፤ ቢታ ጎሺያዊ ኣዲሊያ ኢራይኔ ኣሱራ ኢራይ ያና ጋካናው ጌንጨዴ፥ ኣልዖ ካላ ኢ ዋቲ ናገዴ ጋሊ ኣኪንቶ ቤዒቴ። 8 ሂንቴካ ቃሲ ጌንጨቴ፤ ሂንቴ ዋዛና ሚኒሲቴ። ኣዩሲ ጎፔ፥ ጎዳ ዩሳይ ማታቴዳ።

9 ታናዳን ያሳ ካሊያዋንቶ፣ ያሳይ ሂንቲ ቦላ ፒርዴና ማላ፣
ኢቱ ኢቱዋ ቦላ ዙዙዋፒቲ። ቤዒቲ፣ ፒርዲያዌ ፔንጊያን ኤቄዳ።

10 ታናዳን ያሳ ካሊያዋንቶ፣ ዋዪያሲኔ ገንጫሲ ለሚሱዋ
ጊዴዳዋንታ፣ ጎዳ ሱንጎን ሃሳዬዳ ናባቱዋ ሃሳዪ። 11 ቤዒቲ፣
ዳንዳዪዴ ገንጫዳዋንታ ኮኒ እንጃቲዳዋንታ ጌቶ። ኢዮባ
ገንጫ ሂንቲ ሲሴዲታ፤ ቃሲ ጎዳይ አው ዉርሴጎን አሜዳዋካ
ቤዒዲታ። አዪሲ ጎፔ፣ ጎዳይ ማርታይኔ ቃሪታይ ኩሜዳዋ።

12 ሺን ኡባፔ ካሴ፣ ታናዳን ያሳ ካሊያዋንቶ፣ ሳሉዋን ጊዲና፣
ዎይ ሳዓን ጊዲና፣ ዎይ ሃራ ጫቁዋን ጊዲና፣ አያንካ ጫቆፒቲ።
ሺን ያሳ ፒርዳን ሂንቲ ጌሌናዳን፣ ሂንቲ ዬዉ ኤ ጊያዋ ጊደፔ፣
«ኤ» ጊቲ፤ ጊዴና ጊያዋ ጊደፔ፣ «ጊዴና» ጊቲ።

13 ሂንቲ ጊደን ዋዬቲያ ኡራይ ኦኒኔ ዴዎፔ፣ ያሳ ዎሶ፤ ናሺቲያ
ኡራይ ኦኒኔ ዴዎፔ፣ ዩዲዴ ጋላቶ። 14 ሂንቲፔ ሳኬቲያ ኡራይ ኦኒኔ
ዴዎፔ፣ አማኒያ አሳ ካሊዲያ ጨማቱዋ ባሬኮ ዪሶ፤ ኡንቲንቲ ጎዳ
ሱንጎን ዛይቲያ አ ኦኪዴ፣ አው ያሳ ዎሲና። 15 አማኑዋን ያሳ
ዎሴዳ ዎሳይ ሃርጋንቻ ፓላና፤ ጎዳይካ አ ሃርጊያፔ ዴንጎና፤ ቃሲ
ናጋራ ኢ ኦሴዳዋ ጊደፔካ ጎዳይ አው አቶ ጋና። 16 ሄዋ ዲራው፣
ሂንቲ ፓፃና ማላ፣ ሂንቲ ናጋራ ኢቱ ኢቶ ፓዲቲኔ ኢቱ ኢቶ ያሳ
ዎሲቲ፤ ዪሎ አሳ ዎሳይ ዎልቃማ ኡሱዋ ኦሴ። 17 ኤላሰ ኑ ማላ
አሳ። ኡራይ ሳዓን ቡኬናዳን፣ ኢ ሚኒሲዴ፣ ያሳ ዎሲና ሄዙ
ላይጎኔ ኡሱፑን አኒና ሳዓን ኡራይ ቡኪቤና። 18 ላዒንጎሉዋ ያሳ
ኢ ዎሲና፣ ሳሉዋፔ ኡራይ ቡኬዳ፤ ሳዓይካ ባሬ ካሳ ሞኬዳ።

19 ታናዳን ያሳ ካሊያዋንቶ፣ ሂንቲፔ ኦኒኔ ቱሙዋፔ ዎራ ቦፔ፣
ቃሲ ኢቱ አ ጉዬ ሄ ቱሙዋኮ ዛርፔ፣ 20 ናጋራንቻ አ ባላ ኦጊያፔ
ዛሪያ ኦኒኔ አ ሺምፑዋ ሃዪቁዋፔ አሻናዋኔ ዳር ናጋራ ካማናዋ
ኤር።

5:11 ዮብ 1:21-22፤ 2:10፤ ማዝ 103:8 5:17 1ካት 17:1፤ 18:1 5:18
1ካት 18:42-45 5:20 ሌም 10:12፤ 1ጽፅ 4:8

Ooratha Caaquwaa New Testament in Dawro (ET:dwr:Dawro)

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dawro

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source
files dated 29 Jan 2022
585b63ca-b8e6-55c8-bfef-10bdc95ad69c